

noticias de Gipuzkoa

Diario de Noticias de Gipuzkoa. Noticias de última hora locales, nacionales, e internacionales.

Joxe Mari Alberro Sagardoaren Lurraldeko zuzendaria

"Handitzen ari gara eta etorkizunean Sagardoetxera urtean 30.000 bisitari etor litezke"

Astigarragak hamar urte daramatza sagardoa eta gastronomiaren inguruko turismoa sustatzen. Joxe Mari Alberrok, Sagardoaren Lurraldeko zuzendariak, Sagardoetxea museoak dituen baliabide guztiak erakusten badira bisitari kopurua hirukoiztuko dela dio

Aitziber Muga - Jueves, 28 de Marzo de 2013 - Actualizado a las 05:23h



Joxe Mari Alberro, Astigarragako erdigunean dagoen Sagardoetxea museoaren sarreran. (A.M)

Astigarraga. Sagardoaren inguruko turismoa suspertzeko Sagardun Partzuergoa osatu zen 2003an Astigarragan eta sagardoaren inguruko museo baten ideia lantzen hasi zen. Ondorioz, hiru urte berandugo, Sagardoetxea jaio zen. Azkenik, 2012an marka berri bat sortu zen, Sagardoaren Lurraldea, non museoarekin batera esperientzia desberdinak eskaintzen diren.

Eskaintza berezirik al dauka Sagardoetxeak Aste Santuari begira?

Azkeneko urtetan egin dugun bezala, aurten ere sagardoa eta Euskal Herriko gazten dastaketa egingo dugu. Betiko bisitarekin batera, sagastia eta museoa ikusiz, dasta-tzeko tokian Idiazabalgo, Iratiko eta Erroñkariko gazten dastaketa egiten da. Aurten, gainera, sagastian landare aromatikoak jarri ditugula aprobetxatuz, bertan usaimenak landuko ditugu. Orain arte ekintza hau dastaketa gunean egiten zen bakarrik.

Nongo bisitariak jasoten ditu museoak?

Orokorrean inguruko jendea etor-tzen da, Gipuzkoa eta Bizkaikoak gehienbat; baina Aste Santuan etortzen direnen %40 kanpokoak dira, katalanak eta madrildarrak batez ere. Etortzen direnek gure kultura eta gastronomia ezagutu nahi dute. Dastaketan gaztaren inguruko galdera asko egiten dituzte, dena jakin nahi dute. Sagardoarekin normalean gertatzen zaiguna, Aste Santuan ere gaztarekin gertatzen da. Publiko oso interesatua izaten da.

Museoarekin batera beste ekimen batzuk jarri dituzue martxan.

Ikusi genuen sagardotegietan bazkari eta alariak beste zerbaitekin osatu behar genituela. Sagardotegi bat ez da beste edozein jabetxe bezalakoa. Orduan, sagardotegietan dastaketa gidatuekin hasi ginen, ondoren sagardoak eta itsasoak duten harremana azaltzeko ekintza bat montatu genuen eta lehengo urtean Santiagomendiko Sagardobidea ibilbide tematikoa osatu genuen.

Nola izaten dira dastaketa horiek?

Otsailen hasi ginen eta maiatzara arte beste bi egingo ditugu. Kupelan dagoen sagardoa dastatzen dugu, lehengo ohitura hori berreskuratzeko asmoz. Jende askok esaten du: "Jo, sagardotegi batera etortzen naiz eta lau kupeletatik edaten dut, baina ez dut desberdintasunik nabaritzen", eta hori landu nahi dute. Dastaketa gidatu horietan sagardoaren artean dauden desberdintasunak igartzen ikasten da gehienbat.

Sagartrek esperientzia berria da. Zertan datza?

"Inguruko herri sagardogileekin harreman bat dago gauzak egiteko eta ekintzak konpartitzeko"

Petritegi sagardotegiarekin egiten dugun jardura bat da: sagardoetxea bisitatzen da, Santiagomendiko ibilbidea egiten da eta Petritegin bazkari batekin amaitzen da.

Zer da bisitariak gehien eskatzen dutena?

Aurten Fiturren (Madrilgo turismo leria) komentatu ziguten Madrilgo jendeak bazkaltzeko edo alaltzeko toki bereziak eskatzen zituztela eta horrekin batera mendi buelta bat egin nahi zutela. Eta ondoren Donostian egin zen Sevatur turismo leria ere askok eta askok gauza bera eskatu zuten.

Ekimenak haurrentzako egokiak al dira?

Hemengo Sagardobidea familek egiteko prestatuta dago. Gero sagardotegiak ere, batez ere udaran eta Aste Santuan, umeentzako menuak prestatzen dituzte. Eskaintza egokitu behar dugu.

Txotx garaia hemendik aste ba-tzetara amaitzen da. Nola lortzen duzue urte guzian zehar bisitariak museora erakartzen?

Hasi ginen urtariletik apirilera jende pila bat etortzen zen, baina gero ez zen ia inor gerturatzeko. Orduan ekimen desberdinak prestatzen hasi ginen. Horrela bururatu zitzaigun abuztutik azaroa bitarte, sagarondoak sagarrez beteta daudenean, mustioa egiteko prozesua erakustea. Gainera, aisialdi taldeekin jardura desberdinak egiten ditugu.

Inguruko herri sagardogileekin harremanetan al zaudete?

Hemen ere Hernaniko eta Usurbilgo sagardotegiak sartuta daude. Hau irekia dago. Orain dela bi urte Hernanin ere turismo mota hau lantzen hasi ziren eta harreman bat dago gauzak egiteko eta konpartituzeko. Harreman hori badago eta horrek gehitzen joan behar du. Horrelako proiektu batek ezin du herri batekoa bakarrik izan.

Zenbat pertsona etortzen dira museora urtebetean?

Azkeneko urtetan estabilizatu egin da eta 10.000 bisitari inguru jaso ditugu. Urteik urtera igotzen joan gara, baina 2011 eta 2012an mantendu egin gara. Ez gara jaitsi eta horrelako museo txiki bat izateko oso datu onak dira. Bideragarritasun planak egin ditugu eta horietan ikusten da museoaren potentzialitatea askoz handiagoa dela. Gordeta ditugun baliabideak (tolareak, dokumentuak) balorean jartzen baditugu 20.000 edo 30.000 etor daitezkeela kalkulatu dugu. Handitze prozesu batean gaude.

las claves

· **Gipuzkoako txokorik maiteena:** Goiko-Iturri Astigarragan, txikitan beti hor jolasten ibiltzen ginelako.

· **Paisaia idilikoa bat:** Urbiako kanpik. Txikitan gurasok Aran-tzazura joateko bultzatzen gintuzten eta gero Urbiara joaten ginen. Han ere Aste Santuak pasa izan ditugu eta horrelako paisaia beti burura etortzen zait.

· **Mendi bat:** Niretzako beti izan da Txindoki, oso *mitikoa* da. Gaztetan asko joan izan naiz.

· **Hondartza bat:** Asko joaten naiz Zurriolara. Lehen Kontxara joaten nintzen, baina orain Zurriola gustatzen zait beste giro bat daukalako.

· **Festa edo ospakizuna:** Santiagomendin abuztuaren 16an antolatzen den San Roke Eguna. Orain dela 40 urte desagertzen zihoan festa bat berreskuratzen hasi ginen eta guretzako oso berezia da.

Cargando comentarios...

Haz tu comentario

Condiciones de uso

- No están permitidos los comentarios no acordes a la temática o que atenten contra el derecho al honor e intimidad de terceros, puedan resultar injuriosos, calumniadores, infrinjan cualquier normativa o derecho de terceros.
- El usuario es el único responsable de sus comentarios.